




ԹԵՄԱԿԱՆ ԿՅԱՆՔ

ՌՈՒՄԻՆԻԱՅԻ ՀԱՅՈՑ ԹԵՄՈՒՄ

1982 թվականը Ռումինիայի հայկական համայնքի կրոնական կյանքում եղել է աշխույժ և բեղմնավոր գործունեության մի տարի:

Սուչավայի հոգևոր հովիվ երիտասարդ Ս. Արամայիս արեղա Շլուկյանի եռանդուն ջանքերի շնորհիվ Սուչավայի հայոց Ս. Խաչ եկեղեցին այժմ հոգևոր կենդանություն է ապրում իր կալմակերպված կյանքով: Ամեն կիրակի այնտեղ կանոնավոր կերպով տեղի ունեցող սուրբ պատարագի արարողությունները դեպի իրենց են քաշում մեծ թվով հայ հավատացյալներ, որոնք հոգեկան մեծ բավարարությամբ հետևում են արարողություն-

ների շնորհիվ Սուչավայի հայոց Ս. Խաչ եկեղեցին այժմ հոգևոր կենդանություն է ապրում իր կալմակերպված կյանքով: Ամեն կիրակի այնտեղ կանոնավոր կերպով տեղի ունեցող սուրբ պատարագի արարողությունները դեպի իրենց են քաշում մեծ թվով հայ հավատացյալներ, որոնք հոգեկան մեծ բավարարությամբ հետևում են արարողություն-



Ռումինիայի հայոց թեմի առաջնորդ Ս. Տիրայր արքեպ. Մարտիկյանը և Ս. Արամայիս արք. Շլուկյանը Ս. Հաճկատար վանքի բակում, ուխտավորների հետ (15 օգոստոս 1982 թ.)

ների ընթացքին և հաճույքով լսում հայկական եկեղեցական երաժշտությունը: Բացի այդ, ամեն հինգշաբթի և ուրբաթ օրերը, ուխտավորների հոծ խմբերի ներկայությամբ, Հաճկատար վանքում կատարվում են եկեղեցական մասնավոր պաշտամունքներ և աղոթքներ հայերեն լեզվով, որոնց մասնակցում են ուխտավորներ, խոր հավատքով և սիրով:

Հոգեշնորհ Ս. Արամայիս արեղան Էջմիածնի հոգևոր ճեմարանի նախկին ջրջանավարտ սաներից է: Նա միաժամանակ հոգևոր հովիվն է Բոթոշանի, Թրկոկնայի, Յաջի և Ֆոկչանի հայ եկեղեցական համայնքների, ուր ժամանակ առ ժամանակ այցելում է և պատարագ մատուցում տեղի հայոց եկեղեցիներում՝ Ռումինիայի հայոց թեմի բարեխնամ առաջնորդ Ս. Տիրայր արքեպիսկոպոսի կարգադրությամբ:

Այս տարի Սուրբ Աստվածածնի տոնական հանդիսություններն անց են կացվել աննախընթաց խանդավառությամբ Ս. Հաճկատար վանքում: Հանդիսավոր ս. պատարագ է մատուցել Ս. Տիրայր արքեպիսկոպոս Մարտիկյանը: Պատարագին ներկա են եղել հարյուրավոր հայ ուխտավորներ և մեծ թվով օտար հավատացյալներ՝ եկած արտասահմանից և Ռումինիայի գանապան քաղաքներից:

Վանքի եկեղեցում և նրա ջրջանակում հայր Արամայիսի ջանքերով այս տարի հաջողվել է անցկացնել էլեկտրական սարքավորում և հաստատել մի շանթարգել:

ՔԱՀԱՆԱՅԱԿԱՆ ՉԵՌՆԱԴՐՈՒԹՅՈՒՆ ՄԻԱՅՅԱԼ ՆԱՀԱՆԳՆԵՐԻ ՀԱՅՈՑ ԱՐԵՎՍՏՅԱՆ ԹԵՄՈՒՄ

Միացյալ Նահանգների հայոց արևմտյան թեմի եկեղեցական դասն ու համայն հավատացյալները հոգեկան անսահման հրճվանքի մի օր են անցկացրել կիրակի, սեպտեմբերի 26-ին, 1982 թ., Վարագա Սուրբ Խաչի տոնի օրը: Այդ օրը Միացյալ Նահանգների հայոց արևմտյան թեմի բարեջան առաջնորդ Ս. Վաչե արքեպիսկոպոս Հովսեփյանը, ի գլուխ թեմի հոգևոր հովիվների, քահանայության սուրբ կարգին է կոչել բարեշնորհ Հովսեփ սարկավագ Մովսիսյանին՝ օծելով նրա ճակատն ու ձեռքի փերը և նրան վերանվանելով Ս. Վազգեն քահանա:

Այդ առթիվ առաջնորդ սրբապան հայրը նորընծա քահանային մաղթել է արդյունաշատ հոգևոր ծառայություն՝ ի պայծառություն Հայաստանից Առաքելական Սուրբ Եկեղեցու:

Չեռնադրության արարողությանը մասնակցել և ներկա են եղել Ս. Արիս եպիսկոպոս

պոս Շիրվանյանը, Ս. Իսահակ ծ. վարդապետ Ղապարյանը, Օքլենդի հայոց հոգևոր հովիվ Ս. Լևոն վարդապետ Աբելյանը, Լոս Անջելոսի հայոց հոգևոր հովիվ Ս. Արշակ ծ. վարդապետ Խաչատրյանը, Ս. Սիմեոն վարդապետ Մխայանը, քահանա հայրեր և բազմաթիվ հավատացյալներ:

Արժանապատիվ Ս. Վազգեն քահանա Մովսիսյանը ծնվել է 1956 թվականին Կալիֆոռնիայի Նահանգի Լոս Անջելոս քաղաքում: Փոքր հասակից, որպես դպիր, ծառայել է Լոս Անջելոսի հայոց Ս. Հակոբ եկեղեցում: Հետագայում նա իր գործոն աշխատակցությունն է բերել թեմի Հայաստանյայց Եկեղեցու Երիտասարդաց Կապակերպության մեջ, ինչպես նաև մասնակցել է թեմի կողմից կապակերպված բազմաթիվ ձեռնարկումներին:

1973—1977 թվականներին Ս. Վազգեն քահանան սովորել է Հարավային Կալիֆոռնիայի համալսարանում և ուսման ջրջանը հաջողությամբ ավարտելուց հետո ստացել է Պալկավոր Արվեստից տիտղոսը հոգեբանության և կրոնական առարկաների գծով:

1977 թվականին նա եկել է Մայր Աթոռ Ս. Էջմիածին և մեկ տարի ուսանել հոգևոր ճեմարանում՝ հետևելով հայագիտական, կրթական և ծիսագիտական դասընթացներին: Նույն տարին Ս. Էջմիածնի Մայր տաճարում, ի ներկայության Ամենայն Հայոց Հայրապետի, ձեռնադրվել է սարկավագ:

Ապա, վերադառնալով Լոս Անջելոս, նա մեկ տարի հետևել է Բերմոնթի աստվածաբանական ուսումնարանի դասընթացներին և 1981 թվականին, ավարտելով իր թեզը, ստացել է աստվածաբանական գիտությունների մագիստրոսի տիտղոս:

1980 թվականից սկսած նա ծառայել է Լոս Անջելոսի Ս. Հակոբ և ապա Սանտա Կլարա հովտի հայոց եկեղեցիներում որպես հոգևոր հովիվ օգնական և հոգևոր մատակարար:

Ս. Վազգեն քահանան այժմ իր քառասունքն անցկացնում է Լոս Անջելոսի հայոց Ս. Հակոբ եկեղեցում՝ հոգևոր ղեկավարության ներքո Ս. Արշակ ծ. վարդապետ Խաչատրյանի:

«Էջմիածին» ամսագրի խմբագրությունը, հանուն Վեհափառ Հայրապետի, շնորհավորում է նորընծա Ս. Վազգեն քահանա Մովսիսյանի քահանայական ձեռնադրությունը և բարեմաղթում, որ նա ավելությամբ, հավատքով ու նվիրումով իր ապագա կյանքն ու գործը կապի Հայաստանյայց Առաքելական Սուրբ Եկեղեցու անսակարկ ծառայության վսեմ գործին՝ հանդիսանալով անձնորդ հոգևոր սպասավորը իր Մայր Եկեղեցու և հարապատ ժողովրդի: